

Ե. ԵՐԻՆԷ՝ ԲՈՅՐ ԵՐԵՄԻԱ ՉԷԼԷՊԻԻ. — Մեր ազ-
բուրները Երեմիայի սոյն միակ քրոջ մասին չեն տար
որևէ տեղեկութիւն: Միայն կը գտնենք որ ան կ'ապ-
րէր տակաւին իր երէց եղբօր՝ Երեմիայի մահէն հինգ
տարի ետք, այսինքն մինչև 1700 Սեպտ. 26⁽¹⁾: Այդ
օրը Երինէ գատ մը կ'ունենայ մի ոմն Զուղայեցիի հետ
և մուրհակ (ձեռագիր) մը կը յանձնէ անոր: Կը գրէ
Ամդեցի նոյն թուականով. «Քօմրճու աղջիկ Երինէն
տավի ընդ Զուղայեցոյն եւ ձեռագիր ավեց նոցա»
(Օրագր. թղ. 248ա):

Զ. ԳՐԻԳՈՐԻՍ ՎԱՐԳԱՊԵՏ ՔԷՕՄԻԻՐՃԵԱՆ. —
Կարգը եկաւ գրելու Երեմիայի որդիներուն վրայ և
տալու անոնց մասին լրացուցիչ տեղեկութիւններ:

Անոնց երէցն է Գրիգորիս վրդ. որ ծնած է Մհր.
Ամբակումի վախճանէն (1658 Նոյ. 23) վեց ամիս ետք,
այսինքն 1659 Մայիսի առաջին օրերուն: Աւագանի
անունը՝ Մհր. Ամբակումի կտակին համաձայն (Յա-
ւել. էջ 589)՝ եղած է Ամբակում⁽²⁾:

Մեր Մատենադարանի թիւ 1042 ձեռագրի (նկա-
րագրութիւնը յետոյ) սկիզբը, թղ. 10ա-69բ, կան հե-
տեւալ չորս ներբողեաններն ու Գանձերը, ընդօրի-
նակուած սոյն այս Ամբակում Քէօմիւրճեան պատա-
նի ձեռքով:

1. Թղ. 10ա-27բ. «Ներբողեան ասացեալ Եզըն-
կացի Կարապետ վարդապետ Քօթ կոչեցելոյ, առ ի
թաղումն վարդապետին իւրոյ Տեառն Պետրոսի կա-
թողիկոսի Կառկարեցոյ, եւ Տեառն Գրիգորի Ուր-

(1) Տօքթօր Թորգոմեան կ'ենթադրէ թէ սա հօրմէն առաջ
վախճանած ըլլայ (Ստամ. Պատմ. էջ 755):

(2) Տե՛ս նաև Ս. Էջմիածնի թիւ 348 Աստուածաշուկնչի Յի-
շատակարանը, առ Հ. Ն. Ակինեանի, ԶԷԼԵՎԻ, էջ 222: